



~ 16
3426



門八 16
號 3126
卷

47 3137



龍溪遺稿序



備前湯之祥於世寡所許獨折節同國執法
子漢田君每語其賢娓娓不容口云君爲執
法十餘年方於事上寬於御下泣事明敏斷
決如流會培克用事定變法之令力爭不能
得極論弗聽遷爲外官久之用事者敗備前
侯欲復用君君已老病遂不起君以田家季

子超遷至與議國大政不爲不遇也向令君
大用必以其君顯矣一忤愾人廢不復收時
屬昇平諸侯政不出疆列國無史人無詳君
行事者要以之祥識汗不至阿其所好君之
賢可知也已君博學好古以職事數入東都
執法劇職不聽輒它出藩法又禁處士往來
邸中太宰先生嘗欲過相見以故不果惟高

子式以盲得入君時時延見子式子式數爲
人稱君之詩它無外交東都諸生或不知有
君假使君少得交游之力名豈出當時諸
公之下哉君又善兵法嘗著論數十卷然不
欲以文自見也一日盡焚其藁前後作詩甚
多皆逸君子子厚亦好學先君外君沒時孫
子文幼少長稍衰其散亡不能五十首名曰

龍溪遺稿龍溪君別號也方且授梓而子文亦以之祥乃訂定梓之以序屬惟時辭不敏不可顧幼時君得余文於子式一讀之擊節弗措爲之祥輩誦之備前人徃徃由此知余頃之東役子厚從焉則數延余余游君父子間相得驩甚亾何竣事而歸旣聞子厚歿哭之居數年君亦不祿又一紀子文歿無子嗚呼

君殆知我者也自吾始識君三十年吾未耆艾而君三世就木矣哀哉惟時幸得知於君而悲君之薄祚不敢固辭之祥之徵夫以君之賢詩特其緒餘耳宜其不自重也然萬世詞人所宗蘇李枚蔡非邪其詩傳者止數首耳建安以降人有集多不過二三策少乃數十首盛唐諸家猶爾輓近世集動輒數十

龍溪先生遺稿序
萬言終不以此易彼且文章以人傳者也若君之賢詩所存厯厯止此烏孫古人焉虞仲翔有云天下一人知己者足之祥知君爲誌其墓大節較著詩雖其所不屑謹錄而傳之具此不朽矣君亦奚恨乎地下哉

明和戊子六月乙丑 龜山松崎惟時撰

龍溪先生遺稿序
龍溪先生之逝後十年其孫子文集錄遺稿以爲一卷禎既卒業而泫然泣下曰先~~生~~之擢爲執法也蓋其任重其事繁矣先生雅性好學雖公事鞅掌手不釋卷爲歌詩以自娛其下士愛才喜誘益後進白屋之士偶有一善片長必獎掖陶鎔亦唯孜孜若不及推轂官屬務掩過揚善常引以爲賢於己其待客也

厚具樂飲衍衍乎莫有倦色酒間譚或
及義人節士之事則輒擊節而起且泣
且喜其性為爾嗚乎先生逝矣距今十
年其命酒賦詩悲歌忼慨目光炯炯射
人之狀猶尚在耳目不忘也禎也悻悻
愚直自遂先生獨曲愛其嗜學遇以國
士時讀禎詩有適其心則朗朗高誦極
意稱述其不棄片長獎稱人善如此先
生學無所不通書無所不觀而尤積思戰

陳鍾鼓之教其論綜核精嚴著書甚多
疾病皆燬之其心以為兵者國之大事
譚何容易乎苟非其人道不虛行其在
執法也職訓諸司詰姦慝先生門不受
私謁正色立於朝履忠進言不畏強禦
不侮矜寡夫學既施諸事業而彰彰焉
豈必欲以詩名貽後世乎然其剛而塞
故其所著如其為人也世之君子誦此
集而想其學之彪然僅僅數十首雖不

足盡先生懿德卓行儼然文采亦可以後
也先生有子曰子厚早卒子文以嫡孫
嗣祿禎也因悲往事泫然泣下以誌子
文如此

明和二年乙酉三月十五日

湯元禎撰



龍溪先生遺稿

備藩

田憲章子漢著

孫煥子文輯

今田允文獻之校

綠珠篇

金谷園裡第一名，焯約仙姿畫難成。石家明珠不論
價，換得春風無限情。錦步障下絃歌起，明君新曲入
曼聲。聲聲過雲，婆娑舞休誇飛燕，掌中輕受恩。侍宴
在涼臺，玳筵羅帳合歡盃。百年心事期偕老，山盟海

誓知幾回。一朝忽生蕭牆禍。門前車騎簇黃埃。玉管
瑤琴聲愁絕。唯聞戰鼓如怒雷。君不見垓下楚歌泣
項王。虞姬猶自卧劍鉞。况復妾身為主累。致死君前
亦何傷。飛向百尺樓。下墜紅顏委地。夢一場。一場春
夢千秋恨。至今空傳姓字芳。

寄僧卧病

金軀憔悴。疲津深寂寂禪房。只一牀。懶禮六時眠。石
室深。觀三昧。卧松堂。散花臺。向春風。鎖飛錫。山隨曉
夢長。不識何人能問疾。空令摩詰為醫王。

楚宮詞擬宋人

十二峯巒花欲燃。三千歌舞鬪婵娟。誰知夜夜君王
夢還。屬陽臺暮雨邊。

鎌倉懷古八首

戎馬乾坤擁翳氛。將門有種策功勳。關中開府風雲
會。海內加威龍虎軍。定鼎還令王業熄。懸簾遂自霸
圖分。傷心欲問豪華跡。草滿丘墟麋鹿羣。

聞說金湯天府開。關河百二鬱葱紮。八州裘馬朝帷
幄。一代光輝映鼎台。經國籌成烽燧斷。勤王名遂首

俘來可憐歌舞紅塵地空谷秋風禾黍哀

廷尉樓船戰海隅凱歌奉璽入皇都寧知社稷歸諸

呂空使山河爭二雛盜國巧為魁亂閱牆屢見鶴

鴝孤當時誰賦耕田曲蓋世雄賦遂有無

錦都遺構鬱縱橫七里濱邊攬轡行霸跡變遷陵谷

色雄圖寂寞海濤聲鶴立落日懸松響星井高秋空

月明一上荒臺無限事不堪作賦擬蕪城

奸雄當道日紛紛煇武偏凌萬乘君國步多難戰伐

地天威不振豺狼羣西溟島嶼停龍駕北闕煙塵散

虎賁惆悵王臣無氣際千秋扼腕恥同文

憶昔姦臣弄國威翠華南狩道京畿六軍蹀血衣冠

散諸將與尸計畧違傳纛誰乘黃屋出蒙塵偏似白

登圍安知皇運終回轉重使神州揚帝暉

干戈四海自相從况復蕭牆困折衝潮起稻崎留壯

色雲飛葛谷想軍容一從金鼓來轟地忽見闕城化

作烽累代餘殃終赤族荒墳無主草萋萋

陰風萬里動沙場日色蕭蕭海霧黃飲馬窟寒孤苑

病關雞原晚草萊荒千年戰氣寒林雨九世兵威古

壘霜一望淒然過不得停車偏自嘆興亡

行路難

美酒青樽琥珀寒勸君長醉罄交歡糟丘歲月都如此不似人間行路難

夜宿禪房聞梵

秋高僊梵動三更花雨翩翩遍化城露冷珠林鳴雀和月明金地降龍驚蕭條響繞諸天散寥廓聲懸雙樹清坐久塵緣自消歇使人此夜了無生

南橋步月

如練大江涵月明長橋高架彩虹橫倚欄欲賦觀濤興揮筆還憐題柱名烏鵲影連斜漢落關河色動怒潮晴飛揚自有昇仙趣那羨騎鯨問海瀛

送牧禪師

幾載談玄論色空無端此日別支公珠並明月懸衣裏龍噴雲降鉢中飛錫山深隨曉磬浮杯波穩駕秋風歸時搖落祇林色知有喬松獨向東

巫山高

巫山十二鬱崔嵬神女人間夢不回雲雨祇今自來

往蒼茫何處是陽臺

隴頭水

隴山高枕漢家營隴水秋寒咽月明一夜東西流不盡邊風吹落斷腸聲

楊柳枝擬晚唐

嫩綠如煙晚更多玉階夜色影婆娑萬條不繫君王意空使鳴鑿別處過

酬村執法見寄

東邱作

驛使書來淚濕襟歸心轉促越人吟相思欲折梅花

寄雪滿關山何處尋

天畔芙蓉雪色開寒簾獨把濁醪杯遙思故國平臺宴君自翩翩授簡才

寄懷湯之祥

幽居寂寞子雲亭荒徑人稀苔色青自是風流無世事那能不炒太玄經

百尺高樓興轉豪恒山爽氣映揮毫可令枚叔能無賦月滿南溟萬里濤

書劍飄零髮似絲窮交偃蹇日相思偶然時賦高山

曲世上何人是子期
千秋神物動龍光
泣在函中風雨長
借問人間誰得
望空懸紫氣混蒼茫

鶴骨笛

蕙帳魂飛白玉京
空留朽骨動龍鳴
竒材寧減柯亭
竹仙調偏宜緱嶺
笙秋冷響過滄海
月風高吹落鳳
凰城九臯遺音人間曲散入鈞天廣樂聲

戲贈子業買小妓

灼灼風姿映紫霞
新粧倚檻鳳釵斜
誰知巫峽行雲

色散作君家解語花

分題賦得姑蘇臺

勾吳雄圖動四隣
越王戰敗遂稱臣
枉使西施奉箕
帚西施顏色更無倫
嫣然來上姑蘇臺
姑蘇春滿百花開
君王此處設盛宴
日擁西施醉不回
採香徑畔春風香
春風搖曳綺羅裳
清歌妙舞觀不厭
長夜飲酣傾金觴
金觴萬斛酌不盡
曉月斜懸響屧廊
歲歲年年偏歡樂
那慮此地荆棘荒
賴有忠良姓是伍
屨進直諫棄如土
無端越寇白日來
戰鼓鼙鼙罷歌舞

音淺遺和
姑蘇城外風塵起，豪華一朝何處是。寧忍甬東主，百
家千乘國破空。到死君不見，宴晏毒國國所憂。不獨
姑蘇麋鹿遊。

戲賦得鏡中梅

春滿羅浮花一枝，淡粧窺鏡照瓊肌。結出鴛鴦
萼，窈窕雙懸冰雪姿。奔月影當金屋動，凌波步入玉
壺遲。由來不是尋常色，人自關山笛裏吹。

武昌客舍同井文學賦懷湯之祥

憶昨離筵解佩刀，武昌風雨夢同袍。關河空隔雙龍

氣湖海誰憐一鳳毛，白雪色懸蓮岳月，朱絃調入墨
江濤。知君詞賦無人，和獨使陽春屬吾曹。

題澤記室所藏明妃出塞圖

漢家天子重邊功，千戶萬戶英雄酬。恩唯獻和親，
計遂使賤妾嫁北戎。妾心空恃春風面，不把黃金賂
畫工。憶昨阿監傳徵詔，皆謂受恩病未央。盛飾珠翠
向玉坐，畫裏容光杳不同。自古嬋娟薄命者，不過棄
捐附西宮。妾獨何辜，遭此極投。大羊沙漠中，君不
見塞上悲風蕭蕭起。日落無定河邊水，妾身一出不

音澤通和
復還應似河水流不止胡笳互動漢月寒回首長安
雲萬里猶甘身作龍荒塵許身殊類寧不耻又不見
白艸原頭白草霜一送紅粉是淚行行行滴盡香魂
斷可堪羶帳侍胡王

得村執法書及詩聞早春有東都之役遙有此

寄

萬里壯游揮彩毫詞章新見鳳凰毛停車嶽霽芙蓉
月倚棹春寒滄海濤東道烟霞迎玉勒中原花柳映
袍即今都下多才俊誰和君家白雪高

早春懷湯之祥二首

東卽作

寂寞天涯一轉蓬遠游伏枕向東風雲搖滄海生紅
日雪霽芙蓉映碧空千里雄心悲老驥五更歸夢感
冥鴻王門詞客誰同調知爾陽春曲獨工

華髮迎春作越吟離羣萬里易沾襟城邊氣色青雲
動邸裏衣冠白日深杯酒縱逢投轄與交游誰共斷
金心懷中錦字思君甚空向征鴻憶

音

奉送公族大夫要公竣役歸

藩

東卽作

侯家麟趾胤奕世國華傳禮讓推多士經綸思一賢

音溪遺稿
仁風既上草政治自烹鮮化洽遊方日勲高竣役年
攀轅望去旆分袂泣離筵雅志携瑤瑟行裝擁錦韉
名區竒可探熟路興堪憐碧浪金河驛紫嵐玉笥巔
潮環滄海起雪削芙蓉懸古道爲蘿外荒洲杜若邊
停車鏡嶽曉飲馬琵琶湖天赤石涵寒月青山簇暮烟
毫端驅景物囊裏滿詩篇別後陽春曲爲誰能拂絃

古壯士篇

北燕俠士何其雄三十四搏罷熊白日刺仇孤劍
在結客場中氣如虹一朝選作羽林騎下直時過章

臺醉醉擁胡姬自高歌忽值胡烽照天地聖主推轂
事北征詔從驃騎向邊城胡馬如雲箭如雨大呼沙
場獨橫行凜然威武動乾坤百戰偏期酬國恩枕戈
夜卧黃沙月蹀血晨驅白草原左賢授首右賢降猶
向龍庭日擊撞爲知振旅論功業麟閣上頭自無雙

湘妃怨

龍駕不還經幾秋蒼梧雲氣滿湘流黃陵廟外秋風
夕一曲雲和明月愁

從軍行

音通利
九
旌旗十萬拂邊雲，殺氣秋高戰馬羣。縱使胡塵滿沙漠，漢家猶有飛將軍。

漢宮詞

柏梁臺上月華多，宴罷詞臣散玉珂。又識平陽迎鳳輦，五雲遙傍主家過。

漢家天子好神仙，大乙壇高明月懸。昨夜果然青鳥下，春風吹送五雲前。

刁斗篇

躋路秋高萬馬驕，邊聲凜冽大旗搖。驃騎深逐左賢

隊闕回，白日黑，蕭蕭原頭草色血點紅。豺豕夜歸漢營中，轅門令嚴寂無事，唯聞刁斗動。悲風悲風一夜不可聞，殺氣滿天驚雁羣。轟轟敲殘瀚海月，鏗鏘響過隍山。雲雲低月沈聲自傷時，望鳳城一斷腸。借問何人淚不下，十萬天兵滯沙場。戍樓夜夜聽到明，哀音淅瀝曉轉生。早晚聖德舞干羽，長使邊州絕此聲。

月夜送客

離筵一片月清影，滿江千鳥鵲。金風急，關山玉笛寒。問程恨路迥，傷別憐。更闌明，夜天涯，色寧堪。兩地看。

邊馬有歸心

追奔從飛將，玉關歸思賒。蹴霜經磧路，嘶月卧胡沙。
酣飲黑山麓，長驅青海涯。蕭蕭多相憶，驕躍五陵花。
賦得仙宦壽熊公乃翁八十初度

有鳥有鳥壽，且靈丹沙滿項。白雪翎昂昂，元自不羣。
者一舉萬里，冲冥冥。三島風烟乘月起，叔翼朝憇瑤
池水飲啄擇地，不敢棲借問人間何處止。君家仙翁
換骨才八十，初度嬰鍊。我佳賓如雲人如玉，滿堂仙
氣鬱不閉。翩翩忽向此處飛，猶似鳳皇覽德輝。一雙

雙下仙翁側對舞婆娑，翻衣君不見氣類從來能。
相憐一傍仙翁馴，不還清啖似獻千秋壽。春風日日
入朱絃。

失題

駿馬生渥洼，真龍逸氣昂。自有千金價，何況遇孫陽。
一顧調步驟，牽來獻君王。君王殊愛養，縱控見馴良。
立月大液上，嘶花未央傍。秋高胡烽動，天意重朔方。
勅賜霍驃駝，躒百戰場所向。如無敵凱旋，有燿光
如何歲月徂，伏櫪徒怨傷。棄捐不復用，無人問存亡。

長鳴唯自苦困卧荒草霜人事亦如此為汝淚沾裳

予童外時與龍溪先生家居孔
 通每嬉戲其側先生時顧予
 輩竹馬之戲語忠臣義士之事
 以相教誨諄然弗已允文童
 外何知唯愉快其談而已矣噫
 先生逝矣既將二紀於曩予即

長大息雖承其清塵乎口尚乳
臭非亦益者也今也雖欽慕焉
豈復得見哉前此先生之孫子
文收輯其遺詩而錄之名曰龍
溪先生遺稿子文不幸短命常
山湯之祥與先生善蓋嘗刪定

云予受而卒業益有所恨也則
校而授梓人聊報先生之教誨
矣

安永甲午五月

備藩 今田允文識



安永三甲午九月

京都高辻通室町西江入

唐本屋新右衛門梓

